



Bosna i Hercegovina  
Federacija Bosne i Hercegovine  
Bosansko - podrinjski kanton Goražde  
MINISTARSTVO ZA SOCIJALNU POLITIKU,  
ZDRAVSTVO, RASELJENA LICA I IZBJEGLICE

Bosnia and Herzegovina  
Federation of Bosnia and Herzegovina  
Bosnian-podrinje canton Gorazde  
MINISTRY FOR SOCIAL AFFAIRS, HEALTH,  
DISPLACED PERSONS AND REFUGEES

Босна и Херцеговина  
Федерација Босне и Херцеговине  
Босанско - подрињски кантон Горажде  
МИНИСТАРСТВО ЗА СОЦИЈАЛНУ ПОЛИТИКУ,  
ЗДРАВСТВО, РАСЕЉЕНА ЛИЦА И ИЗБЈЕГЛИЦЕ

Broj: 08-11-570/23  
Goražde, 24.04.2023.godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), te shodno odredbama Zakona o izvršenju budžeta Bosansko – podrinjskog kantona Goražde („Službene novine Bosansko – podrinjskog kantona Goražde“, broj: 1/23), a u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice, sa ekonomskog koda 614100 (JAO 003) – Tekući transferi za zdravstvo („Službene novine Bosansko – podrinjskog kantona Goražde“, broj: 4/23), Ministar za socijalnu politiku, zdravstvo, raseljena lica i izbjeglice Bosansko – podrinjskog kantona Goražde, objavljuje:

### **JAVNI POZIV**

***za dostavu aplikacija (zahtjeva i projekata) u vezi korištenja finansijskih sredstava, po Programu utroška sredstava Ministarstva za socijalnu politiku, zdravstvo, raseljena lica i izbjeglice BPK-a Goražde, sa ekonomskog koda 614100 (JAO 003) – Tekući transferi za zdravstvo (od značaja za Kanton)***

#### **PREDMET JAVNOG POZIVA**

Predmet Javnog poziva je prikupljanje aplikacija (zahtjeva i projekata) javnih zdravstvenih ustanova sa područja Bosansko – podrinjskog kantona Goražde a u vezi dodjele finansijskih sredstava iz budžeta Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde, sa ekonomskog koda 614100 (JAO 003) – Tekući transferi za zdravstvo (od značaja za Kanton) za 2023.godinu. Finansijska sredstva će se dodjeljivati isključivo za finansiranje / sufinansiranje aplikacija (zahtjeva i projekata) od značaja za Bosansko – podrinjski kanton Goražde, koji imaju za cilj jačanje uloge javno – zdravstvene djelatnosti koja doprinosi i omogućuje prevenciju bolesti, unapređuje javno zdravlje, odnosno aplikacija (zahtjeva i projekata) kojima se stvaraju pretpostavke za proširenje obima i vrste zdravstvenih usluga baziranih na savremenim medicinskim dostignućima (nabavka vakcina protiv Humanog papiloma virusa – HPV virusa, koji je jedan od glavnih uzročnika raka grlića materice). Predmet Javnog poziva je također i provođenje zdravstveno – promotivnih aktivnosti, kao i provođenje ostalih mjera i aktivnosti koje doprinose zaštiti stanovništva od zaraznih bolesti.

#### **PRAVO UČEŠĆA**

Pravo učešća i pravo na dodjelu finansijskih sredstava imaju javne zdravstvene ustanove sa područja Bosansko – podrinjskog kantona Goražde, čiji su projekti, programi i aktivnosti usklađeni sa općim i posebnim ciljevima Programa utroška sredstava Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde, sa ekonomskog koda 614100 (JAO 003) – Tekući transferi za zdravstvo (od značaja za Kanton), te kriterijima za raspodjelu finansijskih sredstava shodno usvojenom, a prethodno navedenom Programu utroška sredstava Ministarstva. Odnosno javne zdravstvene ustanove sa područja Bosansko – podrinjskog kantona Goražde koje su do isteka roka za prijavu na ovaj Javni poziv dostavile izvještaje o namjenskom utrošku finansijskih sredstava koja su im odobrena i doznačena na žiro račun iz budžeta ovog Ministarstva u prethodnoj godini.



## **FINANSIJSKA SREDSTVA**

Finansijska sredstva koja su planirana za provođenje Javnog poziva iznose 45.000,00 KM, obezbjeđena su budžetom Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde na ekonomskom kodu 614100 (JAO 003) – Tekući transferi za zdravstvo (od značaja za Kanton), i ista su odobrena operativnim budžetom putem operativnih planova od strane Ministarstva za finansije Bosansko – podrinjskog kantona Goražde.

## **KRITERIJ ZA ODABIR KORISNIKA**

- Da se predloženim aplikacijama (zahtjevima i projektima) ostvaruje opći odnosno posebni cilj iz Programa utroška sredstava Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde, sa ekonomskog koda 614100 (JAO 003) – Tekući transferi za zdravstvo (od značaja za Kanton). Kriterij koji će se koristiti za odabir korisnika vezani su za planirane rezultate, efekte i utjecaj projektnih aktivnosti na opće i posebne ciljeve usvojenog Programa utroška sredstava Ministarstva.
- Da se predloženim aplikacijama obezbjeđuje finansijska održivost sistema zdravstva, odnosno jačanje uloge javno – zdravstvene djelatnosti koja doprinosi i omogućuje prevenciju bolesti i unapređuje javno zdravlje.
- Da se predloženim aplikacijama proširuje obim i vrsta zdravstvenih usluga baziranih na savremenim medicinskim dostignućima (prvenstveno kroz nabavku vakcina protiv Humanog papiloma virusa – HPV virusa, koji je jedan od glavnih uzročnika raka grlića materice).
- Da su predložene aplikacije (zahtjevi i projekti), a koji su aplicirani od strane javnih zdravstvenih ustanova sa područja Bosansko – podrinjskog kantona Goražde, usmjereni ka provođenju zdravstveno – promotivnih aktivnosti, kao i provođenju ostalih mjera i aktivnosti koje doprinose zaštiti stanovništva od zaraznih bolesti za potrebe stanovništva sa područja Bosansko – podrinjskog kantona Goražde pa i šire.

## **ODABIR ZAHTJEVA – PROJEKATA I DODJELA SREDSTAVA**

Provođenje Javnog poziva i razmatranje pristiglih prijava po Javnom pozivu vršit će Komisija koju imenuje Ministar za socijalnu politiku, zdravstvo, raseljena lica i izbjeglice Bosansko – podrinjskog kantona Goražde. Aplikacije korisnika zaprimljene po Javnom pozivu, za koje Komisija procijeni da su usklađeni sa općim i posebnim ciljevima Programa utroška sredstava Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde – ekonomski kod 614100 (JAO 003) – Tekući transferi za zdravstvo (od značaja za Kanton), uvažavajući pritom ciljeve Programa rada Ministarstva za 2023.godinu i procijenjene efekte implementacije, razmatrat će Vlada Bosansko – podrinjskog kantona Goražde na prijedlog Ministra za socijalnu politiku, zdravstvo, raseljena lica i izbjeglice Bosansko – podrinjskog kantona Goražde.

Na osnovu zaprimljenih aplikacija (zahtjeva i projekata) Ministarstvo za socijalnu politiku, zdravstvo, raseljena lica i izbjeglice predlaže Vladi Bosansko – podrinjskog kantona Goražde visinu sredstava za navedeno finansiranje / sufinansiranje apliciranih zahtjeva – projekata po Javnom pozivu, a shodno prethodno navedenom Programu. Konačnu odluku o dodjeli, visini te odobravanju finansijskih sredstava po Javnom pozivu donosi Vlada Bosansko – podrinjskog kantona Goražde, a sve u skladu sa raspoloživim finansijskim mogućnostima.



## **PODNOŠENJE PRIJAVA I NAČIN OBJAVE**

**Aplikacije za finansiranje / sufinansiranje projekata** podnose se u pisanoj formi – u zatvorenoj koverti putem **APLIKACIONE FORME ZA PROJEKTE – PROJEKTNI OBRAZAC**, kreiran od strane Ministarstva za socijalnu politiku, zdravstvo, raseljena lica i izbjeglice Bosansko – podrinjskog kantona Goražde (*isti je obavezujući i može se preuzeti na službenoj web stranici Vlade Bosansko – podrinjskog kantona Goražde: [www.bpkg.gov.ba](http://www.bpkg.gov.ba)*).

**U slučaju projektnog finansiranja / sufinansiranja, aplikant je dužan uz uredno popunjen Projektni obrazac dostaviti kompletan prijedlog Projekta na odobravanje uz obaveznu prijavu – zahtjev u kojem navodi sve bitne informacije (iznos traženih sredstava, iznos ukupno potrebnih sredstava, razlog zbog kojeg korisnik putem projekta traži odobravanje budžetskih sredstava, te pregled aktivnosti koje se planiraju realizovati u slučaju odobravanja sredstava po Projektu).**

**Aplikacije za finansiranje / sufinansiranje zahtjeva moraju sadržavati sljedeće:**

- iznos traženih sredstava, kao i iznose ukupno potrebnih sredstava i sredstava obezbjeđenih iz vlastitih ili drugih izvora,
- razlog zbog kojeg korisnik, putem zahtjeva, traži odobravanje budžetskih sredstava,
- usklađenost zahtjeva sa općim i posebnim ciljevima Programa,
- pregled aktivnosti koje se planiraju realizovati u slučaju odobravanja sredstava po zahtjevu,
- planirane rezultate implementacije traženih sredstava.

Prijave se dostavljaju na protokol kantona ili poštom na adresu: Ministarstvo za socijalnu politiku, zdravstvo, raseljena lica i izbjeglice Bosansko – podrinjskog kantona Goražde, ul. 1.Slavne Višegradske brigade 2a - Goražde, sa naznakom:

**„PRIJAVA NA JAVNI POZIV ZA DODJELU FINANSIJSKIH SREDSTAVA PO PROGRAMU  
UTROŠKA SREDSTAVA MINISTARSTVA ZA SOCIJALNU POLITIKU, ZDRAVSTVO,  
RASELJENA LICA I IZBJEGLICE BPK-a GORAŽDE, SA EKONOMSKOG KODA  
614100 (JAO 003) - TEKUĆI TRANSFERI ZA ZDRAVSTVO  
(OD ZNAČAJA ZA KANTON) – NE OTVARAJ“**

Rok za podnošenje prijave je 10 /deset/ dana od dana posljednjeg objavljivanja Javnog poziva, a objavit će se na službenoj web stranici Vlade BPK Goražde: [www.bpkg.gov.ba](http://www.bpkg.gov.ba) i oglasnoj ploči Bosansko – podrinjskog kantona Goražde

**Nepotpune i neblagovremene prijave neće se razmatrati, Ministarstvo zadržava pravo na poništenje Javnog poziva do odabira aplikacija (zahtjeva i projekata) apliciranih od strane aplikantata, bez obaveze pismenog ili usmenog obrazloženja kao i bez obaveze snošenja troškova za podnesene aplikacije po Javnom pozivu.**

**Dostaviti:**

1. Web stranica Vlade BPK-a Goražde
2. Oglasna ploča BPK-a Goražde
3. a/a



**MINISTAR**

Senad Čeljo